

اشعار عاشقانه دن غیری نسنه او قونمزدی . و مطالعه ایتدکلی اورا قده جکر سوز
غزلردن غیری بر خط بولنمزدی .

[بیت]

شعر بر معشوقدر حسن عبارت زیوری . جان ودلن نازنین محبوبلر عاشقلری
اول طایفه گرامی مداومت صنایع اشعار و مواظبت لطایف گفتبار ایله حسن حالاندن
خبردار اولشلر ایدی .

[بیت]

ای خوش اول کیم طبع موزونیه بحث شعر ایدوب . خوبرولر واقف مضمون اشعار اوله لر
دیمدین فهم ایدلر کیفیت اسرار عشق . عاشق بیچاره حالندن خبردار اوله لر
نم که صحیفه جیلتمده بدایت روز ازلدن کلک قضا حرف محبت نظم رقم قلمش ایدی . و حدیقه
خلقتمده بدایت فطرتدن تخم مودت و موزونیت اکلش ایدی . اول مجمک سحاب امتزاجندن
نهال طبیعت نم چکوب اظهار استعداد نظم ایدی . و اول محفلک هوای اختلاطندن
کلن جیلتم سرسبز اولوب مزرعه مزاجده کل مذاق شعر بتدی .

[بیت]

شاهد نظم سرا پرده قوتده ایکن . قلدی اول بز می کوروب فعل فضا سینه خرام
عنچلر گوکلنی آجاغه لطایف برله . بلبله ویردی صبا رخصت تقریر کلام
لاجرم عندلیب شیدا کبی سرمست اولدم . اول کلله قارشوترنم ایتمکه استعداد فطر تدن
رخصت بولدم . افق طبعمه هلال موزونیت طلوع ایدوب اول خورشید و شلردن
اقتباس نور شوق ایتمکین کون کوندن برغایتده متزاید اولدیکه آزمدنده اشعه انوار نظم
ایله جوق شهرلر و ولایتلر دولدی .

[بیت]

صیت فصاحت ایله سوزم دوتدی عالی . بن مهد اعتبارده طفل زیون هنوز
بوی خوشمله اولدی . معطر دماغلر . بن نافه وجودده برقطره خون هنوز
زمان زمان سودای شعر ساثر افعاله غالب دوشوب و گروه گروه لیلی و شلر
مجنون کبی استماع شعرا بچون باشمه اوشوب . شاعر لغم مقرر اولدی و آوازه نظممه عالملر
دولدی و شهرت تام بولدی . [بیت] طبیعت شهره شهر اولمغه میل تمام ایتدی .
نه پنهان ایلم سودا بنی رسوای عام ایتدی . بو حاله مقارن مشاطه همتم روا کورمدی که
مخدره حسن نظمم پیرایه معارفدن خالی منصه دهرده جلوه قیله . و صراف استعداد علو

رفتم رضا ویرمدیکه رشته سلك شهرم جواهر علمدن عاری کردن بند عالم اوله.
 زیرا که علمسز شعر اساسی یوق دیوار کبی اولور. و اساسسز دیوار غایتده بی اعتبار اولور. پایه
 شعر می حلیه علمدن معرا اولنی موجب اهانت بیلوب علمسز شعر دن قالب بی روح کبی تنفر قیلوب
 بر مدت نقد حیاتم صرف اکتساب فنون علم عقلی و نقلی و حاصل عمرم بذل اقتباس
 فوائد حکمی و هندسی قیلیمین مرور ایله لآلی اصناف هنردن شاهد نظممه پیرایه لر
 مراتب قیلدم. و تدریججه تتبع احادیث و تفاسیر ایدوب فضیلت شعره مذمت اسنادی
 نقص همت اولدیفنک حقیقتن بلدم.

[بیت]

شهر ذوقندن اولین آگاه اهل نظمی مذمت ایلمسون
 کندو جهلینه اعتراف ایتمسون هر کرامانه سحر سویلمسون

القصة اسباب اختراع فنون نظم جمع اولوب مقتضی ظهور آثار اولدینی زمانلرده هر دم
 دست قدرتم مخترعات مصنوعه دن کردن کاشانه بر حائل آصردی . و هر ساعت سیاح
 طبیعتم حدایق و ولفات بدیعه دن بر کستانه قدم باصردی . بر کون برنکار مشکین
 خط که دانه خالنه . شک ختن دمع خطا ایدی . وزانی رشکندن نافه تانارک
 روز کاری قرا ایدی . سروروان کبی خرامان خرامان بن افتاده سنه سایه مرحمت صادی .